

गोनोखोयारि सौंथि



1. ब्रिटेननि बिगियानगिरिफोरा बावैसो सिगां मोनसे एरैबायदि सुपार ब्राकलि(फुलकफि) दिहुन्दों, जाय बिखानि बेमार आरो केन्सरनिफ्राय रैखा खालामप्रा आदार मुवा सरासन्ना फुलकफिनखुइ थाम गुण बांसिन। बे बेराम होवथाप्रा आहार मुवा नि मुज मा ? (क) कराफेनिन (ख) ग्लुकराफेनिन (ग) माल्टिकराफेनिन (घ) मनकराफेनिन।
2. बावैसो सिगां बिगियानगिरिफोरा दाबि दैखादोंदि बिसोरो फिथायनि रोसिजों एरैबायदि मुलि थियारि खालामदोंदि- जाय खानाय मोन्याखौ होबथायो। बे मुलियाव मा कम्पाउन्डखौ बाहायनाय जायो। (क) निरसिनेज रिलेटेड प्रटिन 2। (ख) टिरसिनेज रिलेटेड प्रटिन 2। (ग) पिरसिनेज रिलेटेड प्रटिन 2। (घ) सिल्वारसिनेज रिलेटेड प्रटिन 2।
3. डेलिमेलआव बेरखानाय मोनसे रिपटनि बायदिब्ला- दासान्दि बिगियानगिरिफोरा मोनसे एरैबायदि मुलि दिहुन्नायाव नांथाबनानै दड; जाय टाइप-2 डाइबेटिज सोमजिनायखौ होबथायो। बे मुलिन मुज मा ? (क) निकाटिनेमाइड मनन्युक्लियटाइड। (ख) मोनन्युक्लियटाइड। (ग) माल्टिन्युक्लियटाइड। (घ) टिनेमाइड मनन्युक्लियटाइड।
4. राइस इडनिभासिस्टिन बिगियानगिरिफोरा सुक्ष्मा इलेक्ट्रन सुपारहाइवे दिहुन्दों, जायजों इयुनाव क्वान्टम कम्प्युटर बानायनाया गोरलै जागोन। क्वान्टम कम्प्युटरआव बाइनारि बिटसनि जायगायाव माखौ बाहायनाय जागोन। (क) टुबिटस (ख) मनबिटस (ग) क्विबिटस (घ) जिरबिटस
5. थानाय माखासे साननिफ्राय बिगियानगिरिफोरा मोनसे एरैबायदि बेक्टेरियाखौ नाइगिरना दिहुन्दों, जाय हासुदैआव मोनग्रा एमनियामखौ रकेट फ्युएलआव सोलाय होनो हायो। बे बेक्टेरियानि मुज मा ? (क) टेनामक्स (ख) फेनामक्स (ग) एनामक्स (घ) मनमक्स। थार फिन्याय:- 1. ख, 2. ख, 3. क, 4. ग, 5. ग।

आघोननि दुब्लियाव बर'फोर

सानजा अख्राडव नुजाबोदों मोस्लेदयैनो गोजों थरसे बन्जार बायदिमैया गाव गाहोदों सानजानि आलायारन.... सिथ्लानि सिजौ दालाइयाव बाना दाउज्ला गेसेरदों गामि गंसे गोमसारदों गुबुन दाउमा-दाउसाफ्राबो देंखो गैथै मेथाइ खन्ना सोरानायनि इसार बिलायदों बर'गामियाव..... उन्दुग्लेमनानै थानाय लावत्रिद लावत्रिद माइ बिदांफ्राव रुफा गाव गाहोदों निहिरा गोजों बन्जारनि अर सालाइफोरजों आघोन दुब्लिन खेंखा-खेंखि लामा साजों थाबाय लांदों मावथि बर' आबादारि आखाइयाव खासि गंसे आरो दौनैसो आरं फाफ्लियाव गंसे बावखा हरनानै हाथिदों फारि-फारि आघोननि दुब्लि होना मावथि बर' आबादारि दसेनोलागै गोजों बान्जारा जें-जें राख्य'सनि महर लादों मोखां गंसेया गेद्रा दै सरेफफोरजों सिम्लाबदों सालाइनि दै नित्रायाबो थे रायथेदों फोथारनाडै आबादारिफोरनि थालाय-फैलाय होंगो-दोंगो आरो होंगो-दोंगो नांथाव बुब्लिन गंसे नंगुबै सावगारि बेरखांदों हनै बर'गामि गामि.....!

सोमखोर राजा
दावसाफुरि, बाक्सा

रंजालि गथ' फोरनि सौरा

जोहोलाव हानजा

सिगाडे नोंसोर जोहोलाव हानजा मोनसे थांखिखौ गोसोआव थि लाना, गावनि गांनय-उखैनाय दोन्ना सान-हर थायनै मेगनजों नोंसोर। गोसोआव नोंसिन मोनसेल' थांखि सानफ्रोमबो बर'हारिखौ उहांश्री लाबोनो, जेनाय-देरहानाया नोंसोरनिनो--- दावखो जोहोलाव हानजाफोर। सांग्रां जा,जीउन थिंखि लाना गैया नोंसोरखौ सिगिनो हाग्रानि जुनात, नायहर हनै पुलिसनि हानजा नोंसोरनि सायाव खाराव-माराव। बावलां जोब्याय जोहोलाव हानजा नोंसोर नखरनि हानजा फारसे, बिमा-बिफानि मेगनाव दै बाना सानस'हाया जीउन दिडखौ बोरै जावोनो। नखरनि मिजिंखौ दाला हानजानि समाव दासान जोहोलाव हानजा बेफोरखौ नुनानै, नायहर हनै गावजोंगाव गावथारलायनाय फोजोबसां जोहोलाव हानजा बेफोर खामानिखौ। दानांगोन जोहोलाव हानजा हारिखौ, लाबोनांगोन बे हारिखौ अरायबो उदांश्री।

मुश्री राज कुमार सोरगियारी

लिमारिक

- (1) जौनि गामिनिलाइ आदा मुस्रा खानाय हानायआलाय नौनि मडेलिं सिटाइल, गानाय जोमनायाबो नौनि समायप्लेनाय राव, स'नाथि, मैनाथिमोनाहागोसो सिंखव सानखोमासे नोंखौ मोनोब्ला जुलि लागौ
- (2) देहा सोलेरा नौनि जौब्लां-देरब्लां दाद जांगिला खारनाय बारनायावथ' नोंजों रावबो हास्लाब खया। आखाय फारनैयावलाइ थितु लिरफबनाय। आरमि साखिखौथ' जेब्लायबो नों मोनखाया।
- (3) बि.ए. आनजादखौ उश्रिबाय नों देरलाय बोसोराव दिथिसै नों दा गुबुननि सिगाडव गावखौनो जेनिबो आखा-फाखा, सरासनस्रा सुबुंफ्रा दा नोंजों रायज्जायनो जेबो गुमुर मोनलिया नाथाय लिरनोनो रोड नोंलाइ माथो जेनिबो दोरखाष्ट'।
- (4) माखौबा प्रनाउन्स सेसन रोंड गारानो जाबाय नों दानिया इराजि सोदोद लागाय-लागाय बाश्रा रायज्जायप्रा, खोनयोब्ला नौनि रायज्जायनायखौ गोमोयो गामि सिनि आदुवाफोर नाथाय खोनयोब्ला मेगन फिदिना मिनखोमायो गोरोंफोरा।

सुजुगिरि-सुभद्र ब्रह्म
फकिराग्राम कलेस,

हायनारि मिथिंगा

बिफां लाइफां सारि- सारि हाजो हाला-लारि- लारि गोमो गोथं, गोजा, गुफुर बायदि गानि खलाब-खिलब मोदानफबदों बिबार बारियाव समायना रमायना बेरे सिखिरि दैमा-दैसा जिरि-जिरि। बोहैलांदों बबेहायबा हाइला-हुइला मोसा-मोसा। जौथि माथि मोदानफबदों फुबिलि जारै साननि रिफिनयजों निहिर थरथं। मा एसे समायना-रमायना गाव गादों हायनारी मिथिंगा राणीआलाय आय अनसुलि आय मिथिंगा सुबुं जिउआव मोनसे आर'ज आनि थैनाय उजिनाय जाबाय थाथें नौनि बिखायावोनो।

मुसि सनजय बर
गामि-तिन्कना
थाखो-धि
लां:सो- फकिराग्राम पालिक हाइ स्कुल

सुंद 'सल'

अख्रांनि थुलुंगा

गोदान बोसोरनि गामिनि लोगोफोरजों बेरायनो होननानै दिने न'सिम फैथारबाय आं बिरखां। लोगोसे न'आव सौफैनायनि उनाव बावनो हाथावै नैबे औवा सुबानि सायख्लुमखौ होसोनानै फैथारबाय आं। बेलासिनि जिरायगलांग्रा औवा सुबानि नैबे सायख्लुमाव दहायनिफ्रायनो आं हारसिं सानहाबनानै दं आदा। दिने सोरानि समावबो खोमसि जानानै दं आनि जिउवा। लामा आनदायनानै दं हारसिं जिरायना सानहाबनानै, मा थांखि लानानै थांखिखौ माबोरै जाफुं होनो हाबावनो आरो माबोरै। नख'राव लामा दिनथिग्रा दंनयामोनब्ला, थोजासे रांखावरि थानायमोनब्ला मोजां फरायसालिआव फरायनानै आंबो सासे गेदेमा सुबुं जानो सानदोंमोन। नाथाय माबोरै जाफुं होनो हाबावनो। गोसोयाव जांखानाय सोलुफोरखौ बिदा गेदेर अख्रांनो फोरमायनानै दिने आं जाफुंसारनो हाबाय। थारैनो बे समनो आनि थाखाय गोसो खांथावनानि सान जानानै फैबाय। निखावरिया लेखा रोड सोलौंथाय लानो हाया बे माब्लाबो नड बिरखां फंबाय, बेखौ लानानै जेबो साननो नाड। मानसि हिसाबै बयबो सोलौंथायखौ समानैनो सोलौंनो एबा लानो हायो। बयनिबो गोसो आरो सानस्त्रिखौ समान, जोनोमजों लोगोसे इसोरा सोरनोबा गोसो आरो सानस्त्रिखौ खम बुज्जा रात्रानै हराखै, जायनो गावनि गोसो आरो सानस्त्रिखौ गोबौ खालामनानै लानो हायो एबा रोडे बेनो जाफुंसार जानो हायो। आरो बेखौ जाफुं होनो थाखाय सहायनाय आरो नाजाथाबनाया थानांगोन। सोलौंथाय लानायाव दोनि गोरिबनि जेबो फारागबो फैथावा जायहा जेराव नाजानाय दं बेवहायनो जाफुंसारनो हायो। बिदिन्थि हिसाबै जोंहानि न' खाथिनि आदा सिखोनानि बिफा आदै जालाख' बिमा मायदांसिनि न'खरखौनो नायहरदो, बिस्ना मालाय न'खराव मा दंमोन। सानफा बोथिफा मायरं बायनानैसो जायोमोन आरो बिस्नानि न'आ जेरैथिबो सैमा मावजि जिबौनि लामासो दड'मोन। नाथाय सिखोनानाया गावनि नाजानाय, खस्थ' खालामनय आरो बिमा-बिफानि मददजोंनो मुलुगनां सौलायगिरि सेथि मासि आवग्रिनानै मुलुगदांखा जानो हाबाय। बेनि थाखाय सिखोनानो भारत सोरखारा से खौटि रांजों लोगोसे आइपिएस अपीशरनि बिबानखौबो गथायनानै होबाय। सिखोना आरो बिनि बिमा-बिफाया दा उदां अख्रांआव दंसे।

समा रावखौबो नेया बिरखां, बेनिखायनो नोंबो दिनेनिफ्राय, दानिफ्रायनो फरायनायखौ गोसो होदो। दाहायनिफ्राय गाबोननिफ्राय, बेबायदिब्ला मोजां समखौनो नागिरबाबो मोत्राय

सरन बसुमतारी,
12 नं महनपुर, बिसमुदि,
क'क्राझार, बि.टि.आर.

फिरफिला

गोजौनि उदां बारहावायाव समायना गाव गोनां फिरफिला, नों हाइला-हुइला बिरो जिरन गैथै आलो-गोजोनै। मोनहा स'थै गोजौआव मेगन थायनैजों नायदावहाव, दोलोथै दैखाडे सुबुड रंजा -खुसि गोथार गोसोथै। दिने जौनि गेजेराव गोसो गोबौनि आंगोमा, नुजाफैदों बिबिनो फिरफिला लाइसि लिरगिफोरनि उदांमिं मु महरै। मिलौहाब गोदै रावआव आखाय बायदि बेरखानाय गोसोनि बाश्रा, फोरमाय जोबनो लुबैयो जों आंगो फिरफिलानि सिगाडव उदां गोसोथै। जौनि बर' थुनलाइआव थागोन रोंगथिनि सोलोनि आरो गियान सुघ्रानाय लिरबिदां अरायसम फिरफिलानि हेफाजाबै। फिरफिलायाव बोगोन रोमोग' गाबनि सावगारि, जौसिन-गोजौथाराव बिरगोन उनाव लोगोसे जौबो मानखोलांगोन लासै लासै।

मुसिमा निजरा ब्रह्म
खोला खारागाव
क'क्राझार

इन्द्र राजा

नै आफा इन्द्र राजा....। नों सोर्गो फुरियाव थानानै मानो बेबायदि मानो द्रव-द्राव सोदोबजों दै गुदुं, रुवा बादि सिना बानजों लोगोसे सुबुंनि जिउखौ खहा खालामो निमाहा बियो आफा नौनियाव....। सुबुं फोरा नोंसोरनि दाय मावदोंब्ला गासै सुबुंनि निमाहाखौ आंनो बिबाय अन्नानै आंखौबो जेबो दाखालाम आफा नोंथांड अन्नानै बद्र गावनायखौ बन्ध खालाम नडबा गासिबो जिउ गारनांगोन आफा जै, जै आफा इन्द्र राजानि जै।

मुसि जहस बसुमतारी
कारिगाव बाजार

गोदान मुगानि

गोदान मुगानि सेंग्रा गाज्ला जौ लोंबाय, सिगारेट सोब्याय हानजा हानजा। गिनया मा ? लाजिनया मा ? नोंसोरनि गोसो मेलेमाव जेबो गैया। दहायलै, सेंग्राफोर खबदार, नोंसोरनि दिनावलाय साम' गैला खांखाय गैला आरो गैला बरनि साल गान्दै। बोथोरा सोलाइबाय समा सुंबाय, जौ आरो सिगारेटनि गेसजों नोंसोरनि जिउवा सुंबाय। बिमा बिफानि बोसोन समाजनि नेमखाथि, नोंसोरनि खर' मेलेमाव सान्नाय गैला। गान्नाय लंफेना सुंलाबाय, खरनि खानाया लावबाय, जौ, सिगारेटनि निसाजों नोंसोरनि थाफिलया रानबाय। खावलाया मुसुरबाय, मेगना थौलाबाय, लंपेन गान्नाया खिथु नुजाबाय, बेनो नोंसोरनि गोदान मुगा

रन्जय नाजरी
गामि:-करफाफारा,बिसमुदि

जिउनि लामा

जिउनि लामा नागिरनो, दिने जोनोम थिलिखौ नागारनानै फैबाय आं गुबुन रायजोयाव। हारसिडे गोदाव सोराव, नख'रखौ गारनानै बिमा-बिफानि अन्नायखौ बावगारनानै जिउनि गोजोन संसार नागिरनो। आंहा जेबो राहा गैया, गैया मेगननि मोदैखौ फुगारनो जिउनि आंगो लोगो। दिने जिउखौ लानानै मोनबाय आं दुखु-दाहा, सहाय नांबाय आं खस्त नागिर बायदों आं गोजोन संसार।

मुसि-गोथार बसुमतारी
गामि:-सा कालुगाव

डेनिएल मेदभेदेबआ अस्ट्रेलिया अपेनआव बाहागो लागोननि इसारा होदौं

गोदान दिल्ली, 10 नभेम्बर: मुलुगनि नम्बर 2 सारिनि गेलेगिरि डेनिएल मेदभेदेबआ फे गौ बोसोरनि जानुवारि दानआव अस्ट्रेलिया अपेनआव बाहागो लागोननि इसारा होदौं। जानो गोनां बे अपेनआव सेम्पियन नभाक जकभिचखौ बाहागो लागोननि सोमोन्दे बांसावनाया सोलिगासिनो दड। थांनय फेबुवारि दानआव जकभिचखौ जेन्नाय मेदभेदेबआ मेलबर्न पार्कआव रानार्साप टुफुखौ लानानै जानुवारि दानआव फिन लोगो मोनज्ज्यायफिनगोननि सोमोन्दे के प्सनजौं फोरमायो। मेदभेदेबआ थांनय अक्टबर दानआव खोला भिक्टोरिया राइज्योआव खुंजानो गोनां दुर्नामिन्टआव बाहागो लागोननि



सायाव रोखा फोरमायाखैमोन। भिक्टोरिया राइज्योआव बिबानगिरिफोर आबुडै करना भेक्सिन थुजायै गेलेगिरिफोरखौ राइज्योआव गेलेनायनिफ्राय जानगारआव लाखिनो हागौनि बाथा बुंथिदौं। टेनिस अस्ट्रेलियानि बस क्रेग टिलिआ

खौंरंगिरिफोरनि सांनयनि फिन होन्नानै करना बेक्सिन थुजानाय एबा थुजायैनि सायाव फोरमायाखै। मेदभेदेब आरो जकभिचनि अस्ट्रेलिया अपेनआव बाहागो लागोननि सायाव खौराडा सोराडाव फेनायनिफ्रायनो सांनैनि गेजेराव

थियारि जानायखौ नुनो मोन्दौं। मेदभेदेबआ सेप्टेम्बरआव जानाय इउएस अपेननि फाइनालआव 21 थि ग्रेन्डस्लेम बिमुं लाखिनो नाजानाय जकभिचनि रेकर्डखौ सिफायनो हादौंमोन।

एन्डि मुरेआ स्टकहम अपेननि गिबि राउन्डआव देरहादौं

गोदान दिल्ली, 10 नभेम्बर: एन्डि मुरेआ लस्टकहम अपेननि सेथि राउन्ड मेच बादायलायनायाव नरवेनि क्वालिफायर भिक्टर दुरासभिकखौ 6-1, 7-6 पइन्टआव फेजेन्नानै नैथि राउन्डआव सौहैनो हायो। नैथि राउन्डआव बिथाडा टप मासिनि गेलेगिरि जानिक सिन्नारनि हेंथायै गेलेगोन। खेबथाम ग्रेन्ड स्लेम सेम्पियन एन्डि मुरेआ गोखौं गेलेनायनि गेजेरजौं थौंजोडे 354 रेंकिनि गेलेगिरि दुरासभिकखौ फेजेन्नो हादौंमोन। थांनय सप्ताहआव 34 बोसोरनि गेलेगिरि डमिनिक कयेपारनि आखाइयाव एन्डि मुरेआ जेन्नादौंमोन। मख 'जाथावदि, एन्डि मुरेआ आगुनि वर्ल्ड नम्बर 1, नाथाय गोबाव सम मोनसेबो बिमुं देरहानो हायाखै आरो



आथिखालाव वर्ल्ड नम्बर 143 रेंकि जानानै दड। वर्ल्ड नम्बर 10 रेंकिनि गेलेगिरि सिन्नारआ सोलिफु बोसोरखेब 5 थि बिमुं देरहानायनि लामायाव दड। 20 बोसोरनि इटलीनि गेलेगिरि सिन्नारआ एटिपि फाइनालनि क्वालिफाईसिम सौहैनो हायाखैमोन। वर्ल्ड नम्बर 5 सारिनि गेलेगिरि थैलर फ्रिटजआ इगर जिरासिभबखौ 6-4, 6-4 सेटआव फेजेन्दौंमोन आरो फे गौ

राउन्डआव जावजा गेलेगिरि थिम पलनि हेंथायै गेलेगोन। आगुनि मेचआव फ्रिटजआ इगर जिरासिभबखौ नै सप्ताह सिगाडाव एस्टि फिटार्सबागनि बादायलायनायाव फेजेन्नो हादौंमोन। स्पेननि पेड्रु मार्टिनेजआ 8 थि सारिनि गेलेगिरि फ्रान्सिस थियाफजौं नैथि राउन्डआव गेलेगोन, सेथि राउन्डआव बिथाडा इमिल रुसबौरिखौ 6-4, 3-6, 7-6 सेटआव फेजेन्दौंमोन।

आइसिसि टी-20 बेटसमेनफोरनि रेंकिआव भिराट कहलीआ दावख्लायादौं

गोदान दिल्ली, 10 नभेम्बर: टी-20 वर्ल्ड कापनि सुपर-12 राउन्ड आरो गिबि सेमिफाइनल जागानायनि सिगां आइसिसिआ टी-20 रेंकिनि फारिलाइ फोसावबाय। फोसावनाय फारिलाइआव केप्टेन भिराट कहलीआ सेथि जायगाखौ खोमानानै ब्रैथि जायगायावसो थाहेंनाबाय। बेराफसे मुंदांखा बेटसमेन केएल राहुलआ मोजाडै बेटिं खालामनायनि जाउनाव 3 थि जायगायाव मुं लाखिनो हायो। इउइ आरो अमानआव गेलेनाय टी-20 वर्ल्ड कापआव भारतयारि हान्जाया सुपर-12 नि थाखोनिफ्राय जानगारव थांनबाय। टी-20 वर्ल्ड कापनि बादायनाय 5 मेचआव राहुलआ भारतयारि हान्जानि टीमनि जानानै 194 रान लाखिनो हायो। भिराट कहलीनि खम रान जानायनि मोनसे जाहोनआ बेनोदि, बिथाडा माखासे



मेचआव बेटिं थाबोदौं। कहलीआ पाकिस्तान खालामनायनिफ्राय जानगारव आरो निउजिलेण्डनि हेंथायैल

गावनि बेटिंनि रोंगथिखौ मोजाडै गेलेनानै दिन्थिफुनायनि

हावनि बेटिंनि रोंगथिखौ मोजाडै गेलेनानै दिन्थिफुनायनि

खाबु मोन्दौं। बिथाडा पाकिस्ताननि हेंथायै 57 आरो निउजिलेण्डनि हेंथायै 9 रान लादौं। स्कटलेण्डनि हेंथायै बिथाडा 2 रान लादौं। भिराट कहलीआ सोलिफु समाव जानाय टी-20 मेचआव 30 जौखोन्देनि रान लादौं। आइसिसिनिफ्राय फोसावनाय टी-20 नि रेंकिआव पाकिस्ताननि केप्टेन बाबर आजमआ सिगांनि सेथि मासिआवनो थानो हायो। बलारफोरनि थाखोआव वानिन्दु हसरंगाया गिबि जायगा आवग्रिदौं।

बेयान मिउनिखनि थांखिनि हेंथायै फेन्सफोरा सोमावसारदौं

जार्मानी, 10 नभेम्बर: बेयान मिउनिक हान्जाया काटारनि मोनसे हान्जाजौं सोमोन्दो लाखिनायनि जाहोनाव बेयान मिउनिकनि फेन्सफोरा बे थांखिखौ लानानै सांखारिदौं। बेयान हान्जानि मददगिरिफोरा मोनसे मेचआव गेदेर बेनार लानानै बे बेनारआव सुबुं मोन्थायनि सोमोन्दे खोथा लिरनानै मिउनिकनि बे थांखिखौ नासयदौंमोन आरो थांखिखौ फेन्सफोरा सोलायनो थाखाय खावलायदौंमोन। मख 'जाथावदि, फे गौ बोसोरव काटारआव वर्ल्ड काप 2022 खौ खुंफुनाय जागोन, बे वर्ल्ड कापखौ गोबाव बोसोरनिफ्राय थियारि खालामबोनाय जादौं। बिल्डिं लुनाय, स्टेडियामखौ फोसावनाय आरो माखासे वर्ल्ड कापखौ खुंफुनो लाहार-



फाहार खालामनाय खामानिया गोबां लेबारपोरा जिउ गोमानांबाय, बेनि अनगायैबो वर्ल्ड काप-2022 खुंफुनो लाहार-फाहार खालामनाय मावसुमाफोरनो मोजां रोखोमनि गासैबो खामानिआ मोजां जानो हायो, काटारआव गोबां सुबुंफोरा गावनि जिउखौ खोमानांदौं आरो

गावनि सुबुं मोन्थायखौ मोनो हायाखै, बे समआव बेयान मिउनिकनि हान्जाया काटारनि हान्जाजौं सोमोन्दो लाखिनाया थारैनो मुगैथाव आरो बेयो सुबुं मोन्थायनि बेरेखा होनानै गोबां फेन्सफोरा खौरां बिजोडाव फोरमायो। गुबुन फार्से बेयान मिउनिक हान्जाया 2-1 गलजौं

देरहानायनि उनाव कच जुलियान नागेलसमेनआ बेयान मिउनिकनि बे थांखिखौ बावगारहोनो नाजायो। बे मेचआव देरहानायनि गेजेरजौं बेयान मिउनिकआ पइन्ट फारिलाइयाव खेब 11 मेच गेलेनायाव 28 पइन्ट लानानै सेथि मासि आवग्रिदौं हायो।

फिफाया साबसिन गेलेगिरि आरो कचफोरनि बान्था गथायनाय हाबाफारिखौ फेगौ बोसोरनि जानुवारि दानआव खुंगोन

जार्मानी, 10 नभेम्बर: 2020-2021 सिजननि मुलुगनि साबसिन गेलेगिरि आरो कचफोरनो बोसोरसालिया बान्था रानाय हाबाफारिखौ फिफाया फेगौ बोसोरनि जानुवारि दाननि 17 अक्टखालि खुंफुगोन। कभिड-19 साग्लोबसारनायनि जाहोनाव थांनय बोसोरआव बे बान्था रानाय हाबाफारिखौ अनलाइन राहजौं खुंफुनाय जादौंमोन आरो बे खेबआवबो अनलाइन राहनि गेजेरजौंनो खुंफुनाय जागोन। बे हाबाफारिखौ फिफानि गाहाय मिरु रुरिसनिफ्राय खुंनाय जागोन। माहारियारि हान्जानि केप्टेन, कच आरो वर्ल्डनि मिडियाफोरनिफ्रा. भट होनाय हाबाफारिखौ 22 नभेम्बरनिफ्राय 10 डिसेम्बरसिम लानाय जागोन होन्नानै फिफाया खौरां बिजोडाव फोरमायो। 2020 माइथायनि साबसिन गेलेगिरि बान्थाखौ र्खाट लिभान्डस्कीआ देरहानो हादौंमोन आरो आइजोफोरनि साबसिन गेलेगिरि बान्थाखौ लुसि ब्रन्जआ देरहानो हादौंमोन। मख 'जाथावदि, र्खाट



लिबानडस्कीआ 2020 माइथायाव गोखौं गेलेनायनि गेजेरजौं गोबां भट मोन्तो हादौंमोन आरो साबसिन

रानाय हाबाफारिआ बेलन डिअर बान्थाजौं एखे नड। 2010-2015 माइथायसिम बे मोननै बान्थाया एखेमोन आरो मोनसे आफादजौंनो खुंफुजायोमोन। लिभानडस्कीआ जारान क्लपआ थांनय नै बोसोरव फिफा मेन्स कचिं बान्थाखौ देरहासारनो हादौं आरो थांनय बोसोरनि अमेन्स सक्कार बान्थाखौ सेरिना भिगमेनआ देरहानो हादौंमोन, जेराव बिथाडा नेडारलेन्डनि माहारियारि हान्जानिफ्राय इलेण्डआव गेलेहैदौंमोन।

गेलेगिरि बान्था देरहानो हादौंमोन। फिफानि बान्था रानाय हाबाफारिखौ फ्रान्स फुटबल लाइसिआ खुंफुडे आरो बे बान्था

ब्राजिलनि लेजेन्ड फुटबलार फर्मिगाया गेलेनायनिफ्राय आजिरा लासिगोन

रिय-डि-जेनेरिय', 10 नभेम्बर: ब्राजिलनि जारिमिनआव बांसिनै गेलेगिरि महरै मिबथिजानाय 43 बोसोरनि फर्मिगाया 7 खेब वर्ल्ड काप आरो अलिम्पिकआव बाहागो लाखांनयनि उनाव गावनि गोलाव गेलेनाय केरियारखौ जोबथा महरै माहारियारि हान्जानि जानानै गेलेनायजौं आजिरा लासिगोन। गोखौं

मिडफिल्डर फर्मिगाया फेगौ 25 नभेम्बरआव सा-सहर मानसआव भारतनि हेंथायै मोनसे लोगोयारि मेचआव जोबथा महरै सेलेकानि गोमो आरो गोथां जासिखौ गान्नानै दिन्थिफु'सिगोननि फार्से सिबिएफआ फोरमायो। सिबिएफआ फोरमायनाय बादिब्ला, 233 केपआव मुं लाखिनाय फर्मिगाया जासिखौ



बिदाइ होनायनि थांखिजौं हान्जानि जानानै जोबथा मेचआव मोजाडै गेलेनानै दिन्थिफुगोन। बिथाडा थांनय जुन दानआव पेरिस सेन्ट जार्मेनखौ नागारनानै डिसेम्बर 2022 सिमनि थाखाय खादौंमोन। बिथाडा हार्दरनिफ्राय 7 थि खोलोबनि फुटबल दुर्नामिन्ट बाहागो लानाय सासे गोखौं गेलेगिरि जानायजौं

दासिमआव गं 8 सिलभार मेडेलखौ गावनि मुडाव लाखिनो हाबाय। फर्मिगाया डेब्युखौ 17 बोसोर बैसोआव 1995 आव माहारियारि हान्जाजौं डेब्यु खालामदौंमोन। बिथाडा गोजामसिन वर्ल्ड काप गेलेगिरि महरै रेकर्ड (41 बोसोर) लाखिनायजौं लोगोसे गोजामसिन गल स्कररनि थाखोआव गावनि मुंखौ लाखिवाय।